

不羣人世

昧于倫理者不能羣懶于倫理者不能羣遊于倫理者不能羣狂愚者不能同世人柔懦者不能任世事

隱處深山窮谷而亦自謂之仙以所居爲名山也夫人山二字以爲仙乃五等之外仙乎猶有不能枚舉者而皆自謂之仙卽如室羅城之迦毘羅仙斫迦羅仙爲大幻師

幻師者乃設虛幻之術而非仙佛之眞修實證

求太陰精和幻藥者西方人雖謂之仙焉可順從而以仙混稱之妄謂最上仙亦止乎如此耳後之學者幸毋見此不仙而名仙者遂輕視天仙等焉得箇眞知實辯則亦可爲羨慕而進者

道藏輯要

仙佛合宗語錄

卷

畢集二

×川一

否則多岐並列將以何者爲我當行之道乎

辨得仙眞則修行趨向始得眞

十一問曰今語仙佛所修果同一法未知古來曾如是說否後世抑有知者否答曰有唯仙佛能知仙佛若非仙佛則不知不說也予畧舉世尊之所自言者令汝徵之法華經云昔者仙人授佛妙法如來因之遂致成佛此佛自言得度於仙者也又經云佛聞帝釋說法而悟最上乘妙道此佛自言得悟于帝釋帝釋者釋教人指爲三十三天之天帝又指謂治世間分判善惡救拔眾生之玉帝也

悟于聞法處卽師寶法寶也佛自不叛所聞處存其所聞所

名而未學強分爲二教不同叛仙叛佛矣

華嚴經又云如來大仙道微妙難可知

此華嚴經三十四卷之頌也

此佛典自稱爲仙道者也華嚴經又云如來十名或名釋迦牟尼

按大般若經云陰根如小童子者名釋迦註云卽東土名黃門宦官之意世尊三十二相之陰藏如馬蝗故名釋迦亦宜或名第七仙

世尊于三大劫修行至賢劫成佛在第七故自稱第七仙後人贊稱第七佛

道藏輯要

仙佛合宗語錄

美

畢集二
川上三川

或名毘盧遮那又云或稱持眾仙或名大仙師梵網戒經贊云般若兼禪果證大覺仙此皆如來佛自名爲仙者也三經之文人人之所傳讀講究人人之所見知聞知世尊旣說佛是仙而亦得悟於仙予安敢謗佛非仙耶又問佛旣自稱爲仙不知仙可自言曾與佛是一否答曰皆言是一昔元始天尊爲未生天地先有之靈以始有之義而強立名曰元始化生天地而化生人乃分神化現十方無量世界則佛亦從一分化現也無疑又佛言從無始來天地劫初而化生爲佛也亦無疑則仙佛原爲一人故也迦葉頌釋迦云觀我天尊師處世雜穢污

此頌詳佛藏處胎經

則仙佛皆稱天尊也玉皇本行集經云帝初爲光嚴妙樂國王
棄位修行三千二百劫始證金仙號曰清淨自然覺王如來教
諸菩薩漸入虛無妙道如是修行又經億劫始證玉帝是此帝
也諸佛之師眾聖之王此見皆稱如來也予接近見西漢以前
中國無佛之名

昔秦始皇二十七年癸未有西方沙門室利房等一十八人
賈佛經來自西域勅令囚禁後遣室利房等并經俱還歸竺
國故漢前中國皆未分佛之名

東漢之初佛法始入

光武之子明帝時佛法始入中國始有佛稱

道藏輯要

仙佛合宗語錄

三

畢集二
川上三

北漢之後

北漢者在古趙地其主劉淵在晉朝正統之末年今言此者
正言仙宗人不分別佛

鍾離真人

正陽真人

靈寶畢法云智士煉之金佛現言煉心而見性金來歸性則金
佛現此仙自言爲佛也呂純陽真人云行禪唱咏胭粉詞言卽
色卽是空當體便是也又云不問神仙與佛共同覺照白玉蟾
真人入室歌云觀音菩薩正定心釋迦如來大圓覺亦名九轉
大還丹謂之長生不死藥此仙自言參禪見性爲修道也其劉

海蟾真人云真個佛法便是道一箇孩兒兩個抱張紫陽真人云佛珠還與我珠同我性卽歸佛性海此仙自言仙卽佛也仙佛同一性也而自何常分子今據實言之東土稱曰仙得成此道而繼其後者亦曰仙西方稱曰佛來授此土人得成道者亦曰佛如世法中稱父母者呼爹媽者人一而二稱之也未世外道以有髮無髮而類分之不知仙佛性宗何由以識其共一法耶雖不知不足罪也唯是歷劫修來真仙佛種子真性不昧而復有真知

十二問曰請問神從何處出陽神既不同於陰神所出之法或亦有異答曰然陽神出入於頂門

道藏輯要

仙佛合宗語錄

天

畢集二
X。X

頂門卽鍾離真人所言天門是也

而居於泥丸爲其煉神還虛在上丹田也

上丹田卽是泥丸

故世尊入滅時謂之入泥丸因名經曰泥洹經者亦如是也此天仙神仙及諸佛世尊頂放毫光者皆然陰神亦有能出入於頂門者而但居于心地中田爲其亦借修佛爲言依◎而求明心見性心性不外馳而入寂滅是也此見仙及佛門所度四果位之人爲然

四果尙有生死縱能寂定只是五通陰神而已

究而言之陰神亦有一出何也性證于真空寂滅一性真純命